



ATASSUT
Postboks 399
3900 Nuuk
+299323366
Fax: +299325840
Atassut@greenet.gl
www.atassut.gl

Nuuk 8. december 2006

Inatsisartut suleriaasianni § 36, immikkoortoq 2 naapertorlugu matumuuna imaattumik
Naalakkersuisunut apeqquteqarpugut:

**Apeqqut: Juullip inuata nunatsinneersuunera naqissuserniarlugu illersorniarlugulu
Naalakkersuisut iliuusissamik tigussaasumik pilersaaruteqarpat?**

(ATASSUT-ip Inatsisartuni ilaasortaaitai: Augusta Salling, Ellen Christoffersen, Kristian
Jeremiassen, Thomas Kristensen, Godmand Rasmussen)

Tunngavilersuut:

Juullip inuata nunatsinneersuunera nunarsuarmi meeqqat amerlanersaasa upperaat, taamaammallu
juullip inuanut meeqqat allakkaangata allakkat nunatsinnukartinneqartarput. Ukiunili
arlalissuannortuni juullip inuata nunatsinneersuugaluarluni inissisimammat
nalorninartumiittualersimammatt ukiumiit ukiumut meeqqat allassimasut juullip inuanit
akineqarsinnaassanersut nalorninartualersimavoq.

Nunarsuarmioqataanerput pingaartillugu inuiaqatigiittut ineriartortuarnissarput tamatta
soqutigisaraarput, naalakkersuinikkullu sulinitinni qulakkeerniagaraarput nunatta avatitsinnit
tusaamaneqarnerata annertusarneqartuarnissaa, ATASSUT-millu isumaqarpugut nunatta avatitsinnit
tusaamaneqarnerulernissaanut juullip inua mikinngitsumik annertusaaqataasinnaasoq.

Assersuutigiinnarlugu juullip inua Finlandimeersuunerarlugu nunarsuarmioqatigiinni inissinniarluni
Finland ukiorpassuarni ilungersuuteqarsimavoq, taamaammallu Finlandimi pisortat
tapiissuteqarnerisigut Finlandimiut juullip inugineragaat ajunnginnerpaamik atugassaqaqtitaalluni
ingerlavoq.

Inatsisartut aningaasanut inatsisai aqqutigalugit juullip inuata suliaasaqarfiisa ingerlanneqarnissaat
siornatigut atuussimasoq atorunnaarmat nunatsinni juullip inuata inissisimammat annikinngitsumik

ajorseriaateqartinneqarpoq, ilaatigut Santa Claus of Greenland Foundation A/S
pilersinneqarsimagaluartoq akiliisinnaajunnaartutut inissisimalersimasoq Erhvervs- og
Selskabsstyrelsemi takuneqarsinnaavoq.

Ukiunilu kingullerni Nuuk Tourism A/S-ip juullip inuata suliassaqarfiisa ilai tigusimagaluarai
ukiumiit ukiumut meeqqat allagaasa akineqarnissaannut aammalu juullip inuata internetikkut
saqqumilaartuunissaanut akissaqartitsisoqarnersoq apeqqutaajualersimavoq.

ATASSUT-millu isumaqarpugut juullip inuata aningaasatigut maannatut inissisimatinneqarnera
inuiaqatigiit kalaallit avammut kiinnerniarnitsinnut iluaqutaanngitsoq, taamaammallu
Naalakkersuinikkut iliuuseqartoqartariaqartoq, taamaammat matumuuna Naalakkersuisunut
apeqqutigerusupparput juullip inuata nunatsinneersuunera naqissuserniarlugu illersorniarlugulu
Naalakkersuisut iliuusissamik tigussaasumik pilersaaruteqarnersut?

Piaartumik akineqarnissarput naatsorsuutigaarput, akissutillu ukununnga nassiunneqassasut
kissaatigaarput: aus@gh.gl krje@gh.gl thok@gh.gl gora@gh.gl ekri@gh.gl kiisalu
landstinget@gh.gl

Qujanaq.